



Inatsisartunut ilaasortaq

Anthon Frederiksen, Partii Naleraq

§ 37 naapertorlugu apeqqummut akissut

Annertuunik arlalinnik apeqquteqarsimavutit, matumalu ataani allassimasuni akiniarsarissavakka.

APEQQUT NR. 1: Naalakkersuisut, periutsinik Savalimmiuni sillimmasiisarfeqarnermut tunngasunik nunatsinnut assersuunneqarsinnaasunik ilisimasaqarpat?

All. ull.: 13-11-2015
Suliap normua. 2015-15429
All. nr. 1560909

P. O. Box 1037
3900 Nuuk
Oqa. (+299) 34 50 00
Allakkasuartaat (+299) 34 63
50
E-mail: oed@nanoq.gl
www.naalakkersuisut.gl

AKISSUT: Sillimmaseeriaatsit makku atorneqartarlutillu atorneqarnikuupput:

Kalaallit Nunaat:

Namminersornerullutik Oqartussat 1. maj 1979-mi atulersinneqalernissaata tikillugu, Kalaallit Nunaat danskit naalagaaffiat aqutugalugu sillimmaserneqarsimavoq. Tamatuma kingorna suna tamaat sillimmaserneqartarput, nammineq tarsigassartaasa qaffasissusaa nikerarsinnaasarluni. Aamma tamanna Namminersorlutik Oqartussanut, suliffeqarfiutaannut, kommuuninut, aktieselskabinullu tamakkiisumik Namminersorlutik Oqartussanit pigineqartunut atuuppoq.

2015-mut aningaasanut inatsit naapertorlugu nammineq sillimasiineq periarfissaavoq:

Naalakkersuisut - Suliassaqarfik 10 - 89

Nr. 5.

Naalakkersuisut aningaasanut inatsimmi killiliussatut taaneqartut iluanni nammineq sillimmasiinermit taarsiullugu sillimmasiisarfinni sillimmasiissutinik sananermi sillimmasiinermit akiliuteqarnermut aningaasartuutinut ukiumi aningaasanut inatsiseqarfiusumi ukiunilu missingersuusiorfiusuni atuuttussamik akiliinissaminnut piginnaatinneqarput

Naalakkersuisut aammattaaq nammineq taarsigassanut qaffasissutsip aalajangernissaannut kiisalu sillimmasiinermit matussusiinissaq siunnersorteqarnissarlu pillugit ukiuni arlalinni atuuttumik isumaqatigiissuteqarnissaminnut piginnaatitaapput.

Kalaallit Nunaanni suliffeqarfiit sumiluunniit sillimmasiisarfinni sillimasersinnaatitaapput, Kalaallit Nunaanniittumik Kalaallit Nunaata avataaniittumilluunniit. Tamanna Kalaallit Nunaata iluani sulialinnut Kalaallit Nunaataluunniit avataani sulialinnut atuuppoq.

Islandimituulli Savalimmiunilu sillimmaserneqarnerup ineriartornerata assinganik nunatsinni pisoqarnikuunngilaq.

Savalimmiut una immikkuullarequtigaa, Savalimmiuni sillimmasiisarfiit danskit Finanstilsynianit nakkutigineqanngimmata, Savalimmiunilu Forsikringstilsynimit nakkutigineqarlutik, ataani allassimasoq takuuk.

Savalimmiut:

1930'ikkunili Savalimmiuni illoqarfinni "brandkasse"-qartarsimapput, taakkulu ilaasortaminnut "sillimmasiisarfiittut" atorlutik.

1940-mi brandkasset amerlasuut illoqarfinniittut kattunneqarput, Savalimmiormiullu sillimmasiisarfiat angisooq "Tryggingarsambandid Føroyar" pilersinneqarpoq. Sillimmasiisarfiup sillimmasiineq kisermaassara, inatsisinilu allannguisoqarpoq, Savalimmiunilu inuinaat suliffeqarfiillu tamarmik illuminnik pigisaminnillu sillimmasiinissaminnut pisussaaffeqalerlutik.

Kisermaassineq ukiunik 57-nik sivissussuseqarpoq, 1997-mi kisermaassineq inatsisitigut marluussinermut allanngortinneqarmat. Tassani Tryggingarfelagid Føroyar (siornatigut Tryggingarsambandid Føroyar) sillimmasiineq kisermaakkunnaarpar, Føroya Banki-lu sillimmasiisarfik Trygd aallarnerpar, sillimmasiinikkut unammillertinngorluni.

2001-mi sillimmasiisarfiit marluk imak sakkortutigisumik imminnut unammillersimapput, allaat sillimmasiisarfiiminni aningaasanik amigartooruteqalerlutik. Sakkortuumik unammillernerup kinguneranik sillimmasiinermut akiliutit appasippallaarsimapput, ilutigalugulu piffissap aalajangersimasup iluani ajoqusernerit amerlimmata, aningaasanik amigartoorutit pisimallutik. Tamanna ilikkagassartaqarpoq, eqqaamaneqassaarluk, Savalimmiunituut sillimmasiineq sillimmasiinissamut pisussaaffilik Kalaallit Nunaannut eqqunneqarnissaa isumaliuutigineqassagaluarpat.

Marluussineq sep. 2008-p tungaanut atavoq, tassanilu Savalimmiuni sillimmasiinermut nutaamik inatsiseqalerpoq, nunarsuaq tamakkerlugu illugiilluni sillimmasernissamut isumaqatigiissuteqarnissaq periarfissanngorlugu. Nuna siulleq Savalimmiut isumaqatigiissuteqarfigisaa tassaavoq Islandi, tamannalu 2008-mi pilluni.

Inatsip una malunnartua tassaavoq, sillimmasiisarfinnut taamaallaat malittarisaliuussimmat, inuussutissarsiutinik suliffeqarfinnullu atuunnani. Tassa imaappoq, suliffeqarfiit nunani allani arlalinnik sillimmasersinnaammata.

"Tamatumá kingorna Finanstilsyni Savalimmiunilu sillimmasiinermut nakkutilliisut, Tryggingarefterlitið, akunnerminni suleqatigiinnissamut isumaqatigiissusiorput, killigisanik qaangiinermik kiffartuussinermut sulialinnut inuunermut ajoqusernnullu sillimmasiisarfiittut nakkutilliisutullu naammassinninniarlutik.

Isumaqatigiissut 2010-mi suleqatigiinnissamut isumaqatigiissutip nalilersornerani pinngorpoq, kinguneranillu danskit savalimmiormiullu sillimmasiisarfii imminnut inuunermut sillimmasiinissaat periarfissanngorpoq. Isumaqatigiissut 1. december 2014-mi atuutilerpoq.

Danskit sillimmasiisarfii Savalimmiuni sillimmasiisusuttut, sulii Finanstilsynimut saaffiginninnissat pisariaqarpoq, taamaattoqarpallu Finanstilsyni Savalimmiuni forsikringstilsynimut nalunaassaaq. Savalimmiormiut sillimmasiisarfii Danmarkimi sillimmasiisusukkaangata, assingusumik suliamik ingerlatsitsisoqartarpoq.

Suleqatigiinnissamut isumaqatigiissutip Danmarkimi naammassisassanik Savalimmiuni sillimmasiisarfiit kiffartuussinissamik neqeroorutaat pillugit nalunaarutimit iluarsakkamit tunngavilersorneqarpoq. Nalunaarut 1. oktober 2014-mi atulersinneqarpoq. Takuuk (<https://www.finanstilsynet.dk/da/Nyhedscenter/Sektornyt/2014/Samarbejdsaftale-med-faeroerne-101214.aspx>).

APEQQUT NR. 2: Namminersorlutik Oqartussat, Suliffeqarfiit Namminersorlutik Oqartussanit pigineqartut ilanngullugit, ingerlatsinerlut, illuutitut, pigisanut il.il. ukiuni qulini kingullerni ataatsimut katillugit sillimmasiinerlut qanoq aningaasanik amerlatigisunik akiliuteqarsimappat?

AKISSUT: Ineqarnerlut, Sanaartornerlut, Attaveqarnermullu Naalakkersuisoqarfik paasissutissat Namminersorlutik Oqartussat sillimmasiisarfiinit tigusat najoqqutatalugit ataatsimoortumik naatsorsuisimapput. 2005-imiit 2014-p tungaanut sillimmasiinerlut paasissutissat aaneqarsimapput.

Sillimmasiineq	Ajoqusernerit amerlassusaat	Taartisiat	Sillimmasiinermit akiliut 2005 - 2014
Sulinermit ajoqusernerlut sillimmasiineq	1.131	13.517.560	53.320.159
Biiliniq sillimmasiineq	680	16.893.358	42.033.995
Erhvervs- og produktansvar Inuusutissarsiorneq sanaanullu akisussaassuseq	8	204.337	3.090.320
Inuusutissarsiornerlut sillimmasiineq All Risks	78	104.579.130	154.118.602
Entreprisemut sillimmasiineq	6	2.813.537	6.587.734
Ajunaarnerlut sillimmasiineq	14	488.138	6.628.849
Angalanerlut sillimmasiineq	458	1.468.995	4.960.652
Imarmi kaskomik sillimmasiineq	5	784.000	7.945.801
Mittarfeqarfiit Mittarfittut akisussaassuserlut sillimmasiineq	3	0	13.001.287
Mittarfeqarfiit Loss of licence	0	0	716.536
Mittarfeqarfiit Angallassinemut sillimmasiineq	0	0	262.005
KNR Transportforsikring sillimmasiineq	0	0	168.188
Nukissiorfiit Angallassinemut sillimmasiineq	11	17.390	4.010.028
Nukissiorfiit Angalanerlut sillimmasiineq	0	0	382.949
Namminersorlutik Oqartussat ineqarnerlut immikkoortortaqarfii	1.213	57.375.032	66.404.000
Katillugit	3.607	198.141.477	363.631.105

Naatsorsuusiami takusinnaasatsit Namminersorlutik Oqartussat ukiuni qulini 2005-miit 2014-p tungaanut sillimmasiinerlut 363,9 mio. koruuninik akiliisimavoq. Qaavatiqut Namminersorlutik Oqartussat AES-imut (Arbejdsmarkedets Erhvervsygdmsikring) aningaasartuuteqarput. 2014-imi kr. 1.506.820,20-inik akiliuteqarsimapput. Aningaasallu ukiunut qulinut kisinneqassappata kr. 13 mio.-inik amerlassuseqarnissaat ilimagineqarsinnaavoq. Sillimmasiisarfik inatsisitigut pisussaaffiuvoq AES-imiillu ATP-p illuani allaffissornertaa aqunneqarluni, Namminersorlutillu Oqartussat taarsiivigitinnerit aningaasartuutillu qanoq amerlatiginersut ilisimangilaat.

APEQQUT 3: Apeqqummut nr. 2-imi pineqartumut atatillugu suliat sillimasiinerniit taartisiat qanoq amerlatigippat? Aamma qanoq sumiissusiilu immikkoortiterneqarsimappat?

AKISSUT: Apeqquut 2-p akissutaaniittumi naatsorsuusiami takuneqarsinnaavoq, ajoqusernerit 3.607-t nalunaarsorneqarsimammata. Tamatuma saniatigut aamma AES-imut ajoqusernerek nalunaarsorneqarpoq.

APEQQUT 4: Suliani qanoq amerlatigisunit suliat tamakkiisumik taartisissutigineqartut ilaannakuusumillu taartisissutigineqartut qanoq amerlatigippat? Suliat qassit sillimmasiisarfinniit itigartitsissutigineqarsimappat (taartisinnngitsoortoqarpa)?

AKISSUT: Ajoqusernerit nalunaarutigineqarnikut sillimmasiisarfiup piumasaqaatai naapertorlugit qassit taarsiivigineqarnissaminnut pisussaaffeqanngitsut qassiusimanersut nalunaarutigineqarsimanngitsoq Ineqarnermut, Sanaartornermut, Attaveqarnermullu Naalakkersuisoqarfiup ilisimatitsissutigaa. Imaassinnaavoq ajoqusernerit ilaat taarsiivigitinnissamut pisussaaffillit nalunaarutigineqarsimagaluartut, sillimmasiinerimili nammineq akiligassartaanit nalikinnerullutik.

Namminersorlutik Oqartussat aktianik piginneqatigiiffiutaannut tunngatillugu, nalunaarut tulliani allassimasup akissutitut atorneqarsinnaavoq, Ingerlatseqatigiiffinnut Allattoqarfimmi piginneqatigiiffinnut pineqartunut paasissutissanik aallersimapput, apeqquut akisinnaaniarlugu.

Apeqquutip ataani akissutit allaqqapput.

2. Namminersorlutik Oqartussat, Suliffeqarfiit Namminersorlutik Oqartussanit pigineqartut ilanngullugit, ingerlatsinermut, illuutinut, pigisanut il.il. ukiuni qulini kingullerni ataatsimut katillugit sillimmasiinerimut qanoq aningaasanik amerlatigisunik akiliuteqarsimappat?

Akissut:

Visit Greenland allappoq:

Sillimmasiineq - illu Qarsaalik

	kto 3235							KATILLUGIT - illu
2005	4.754,00							4.754,00
2006	4.754,00							4.754,00
2007	4.870,00							4.870,00
2008	-							-
2009	-							-
2010	-							-
2011	-							-
2012	-							-
2013	4.754,00							4.754,00

2014	4.749,00							4.749,00
2015	4.708,00							4.708,00

Sillimmasiineq -
Ingerlatsineq
Billit

	Kto 3340	Kto 3317						KATILLUGIT - billit
2005	3.387,50	8.660,70						12.048,20
2006	7.515,00	15.793,80						23.308,80
2007		17.997,75						17.997,75
2008		2.661,64						2.661,64
2009								-
2010		13.804,00						13.804,00
2011		2.485,00						2.485,00
2012		13.193,00						13.193,00
2013	2.577,00	486,83						3.063,83
2014	3.097,00							3.097,00
2015	10.735,03							10.735,03

Sillimmasiineq -
ingerlatsineq
Sulisut

	Akisussaassuseq	Inuussutissarsiorneq	Ajunaarneq	Angalaneq	Sulinemi Ajoquserneq	Codan Care	Allat*	KATILLUGIT - sulisut
Kto 3317								
2005	34.329,39	11.230,00	2.737,16	24.022,05	253,00	8.721,00	2.400,00	83.692,60
2006	26.986,00	6.429,07	4.745,84	47.346,50	14.878,00	23.382,00	2.400,00	126.167,41
2007	26.379,25	15.128,00		41.241,20	7.758,00		3.500,00	94.006,45
2008	2.996,25	6.903,28	3.065,75	30.540,60				43.505,88
2009		72.939,50		26.107,60			4.588,75	103.635,85
2010	71.834,50	30.811,34						102.645,84
2011					38.969,00	70.820,00	2.350,00	112.139,00
2012	27.817,00	13.224,25		22.848,40	25.192,00	42.395,00	2.400,00	133.876,65
2013	10.738,35	11.140,84		27.335,88	29.857,00	15.666,83		94.738,90
2014	5.027,64	7.427,64	26.890,58	21.303,90	30.849,00	46.548,00	4.127,52	142.174,28
2015	4.950,80	14.910,90	17.251,00	38.525,19	41.782,00	30.723,00	2.785,25	150.928,14

*
Sillimmasiinerit immikkut ittut,
siulersuisunut
akisussaassusemut
sillimmasiineq,
angallanneq, patenti, all risk

Royal Greenland allappoq:

"Apeqqumut atatillugu aallaqqaasiutugalugu maluginiarneqassaaq, akinissamut piffissarititap iluani paasissutissat pissarsiarisinnaasagut akissutitsinni allattorsimagatsigit.

Akinissamut piffissaliuunneqarsimasup iluani, ukiunut tallimanut kingullernut tunngasunik paasissutissiisnaavugut, ullumikkullu sillimmasiivigisatsinni sillimmasiinerupput. Pisoqaanernik paasissutissanik pissarsiniarnermi misissuineq pisariaqarpoq, tamannalu piffissarititap iluani naammasineqarsinnaanngilaq. Ataanili allassimasuni ukiumut sillimmasiinermut akiliutigisartakkat ajoqusernermullu suliat annertussusaat takuneqarsinnaavoq, piumaneqarpallu amerlanernik paasissutissiisnaavugut.

Akissuteqarnitsinni apeqqutilliusup pingaarnertut Kalaallit Nunaanni sillimmasiineq pillugu paasissutissanik perusunnissaa naatsorsuutigisimavarput.

Aammattaq ilisimatitsissutigisavarput, suliffeqarfiup sillimmasiinikkut ileqqui ataavartumik nalilersorneqartarmata, sillimmasiinerit atuuttut suliffeqarfiup pisariaqartitaanut naleqqunnissaat qulakkeerniarlugu. Tamannalu nunani allani tatigisaasumik sillimmasiinermut akunnermiliuttumik suleqateqarnikkut qulakkeerneqartarpoq. Akunnermiliuttup aamma pitsaanerpaanik iluanaarutaanerpaanillu sillimmasiinissaq qulakkeernissaa akisussaaffigaa.

Royal Greenland A/S Namminersorlutik Oqartussat suliffeqarfiutaata akornanni sillimmasiineq navianartunillu misissuinnikkut aqutsineq pillugit suleqatigiinnissaaq misilittakkanillu avitseqatigiinnissamut aallarniinikuvoq. Sulisut attuumassutillit tamanna pillugu akunnilmik naapittarput.

Illunut pigisanut, ingerlatsinerneq pequtinut atortunullu, umiarsuarnullu All Riskimik sillimmasiineqarpoq (kasko aammalu akisussaassusermut).

Pisut ilimaginngisat tamarmik, ataasiakkaat minillugit, sillimmaserneqarput. Sillimmasiineq ataatsimoortumik sillimmasiineruvoq, suliffeqarfissuup immikkoortartaqarfiinut tamanut atuuttoq.

Taakkartorneqartut saniatigut uani akissummi allattorneqanngitsunik aamma allanik inatsisitigut piumasaqaataasunik sillimmasiineqarpugut, aammalu navianartut aalajangersimasunut tunngatillugu sillimmasiineqarpugut, piumaneqassappalli allattorsinnaasatsinnik.

Ukiunut naatsorsuiffiusunut kingulliit tallimanut sillimmasiinerneq akiliutinut uku paasissutissiissutigisnaavagut:

Ukiog naatsorsuiffik**Sillimmasiinerneq akiliut DKK**

2010/2011	6.270.223
2011/2012	5.656.189
2012/2013	6.755.114
2013/2014	5.901.027
2014/2015	6.611.000

Ukiunut kingulliit tallimanut ajoqusernermut nalunaarutit pillugit paasissutissiisnaavugut.

Illunut pigisanut aammalu ingerlatsinermit pequtitut atortunullu 4-nik ajoqusernermut nalunaaruteqarsimavoq, umiarsuarnullu 26-nik ajoqusernermut nalunaaruteqarsimalluni.

Suliffeqarfiup isumaani sillimmasiinerup piumasaqaatai naapertorlugit ajoqusernerit taarsiivigitinnissaminut pisussaaffillit, aammalu ajoqusernermut aningaasartuutissat sillimmasiinermit nammineq akiligassartaanit annerugaangata ajoqusernerit nalunaarutigineqartarput.

Illunut pigisanut aammalu ingerlatsinermit pequtitut atortunullu ajoqusernermut nalunaarutigineqartuni sisamaasuni, 3-t tamakkiisumik taarsiivigitinnissamut akuerisaapput, nammineq akiligassartaa ilanngaatilugulu. Suliaq ataaseq sulii suliarineqarpoq, taarsiivigitinnissarli naatsorsuutigineqarluni. Katillugit ajoqusernermut taartisiat DKK 3.108.068-upput, tassanilu kingulleq taaneqartoq suliaq sulii ingerlasoq naatsorsuinermit ilanngunneqareerluni.

Umiarsuarnut ajoqusernermut nalunaarutit 26-iusuni 24-t taarsiivigitinnissamut akuerisaapput, nammineq akiligassartaa ilanngaatilugulu. Katillugit ajoqusernermut taartisiat DKK 14.136.479-upput, tassanilu suliat ataasiakkat naammassivinneqanngitsut naatsorsuinermit ilanngunneqarput.

Greenland Holding allappoq:

Ukioq anigaasarsiorfik	GH	GV	GB	Katillugit
2015	122.644,25	42.844,50	27.216,38	192.705,13
2014	50.081,59	31.391,41	26.872,50	108.345,50
2013	171.774,58	32.604,50	25.763,00	230.142,08
2012	88.507,50	39.332,50	0	127.840,00
2011	58.839,50	76.049,00	I/A	134.888,50
2010	82.209,00	55.544,78	I/A	137.753,78
2009	76.431,49	85.903,64	I/A	162.335,13
2008	61.826,50	63.199,86	I/A	125.026,36
2007	181.840,50	40.833,55	I/A	222.674,05
2006	I/A	53.725,81	I/A	53.725,81
	894.154,91	521.429,55	79.851,88	1.495.436,34

□

- □GV: Januaari 2010: taartisinissamut suliaq, taartisiat amerlassusaat paasissutissiissutigineqarsinnaangilaq.
- GH: Septembari 2010: isarussat ajoqusernerat, taartisiat amerlassusaat paasissutissiissutigineqarsinnaangilaq.
- GB: Aprili 2013: Ajoquserneq, taartisiat amerlassusaat paasissutissiissutigineqarsinnaangilaq.
- GH: Aggusti 2013: tillinniarfigitinneq, taartisiat 13.294,75 kr.
- GH: Septembari 2014: isarussat ajoqusernerat, taartisiat 5.000 kr. missaat.
- GH: Februaari 2015: Timmisartortilluni qarasaasiaq angallattagaq aserorsimasoq. Taarsiivigineqangilaq.
- GH: Februaari 2015: nassatat kinguaattoortut, taartisiat 3.000 kr. missaat.
- GB: Aprili 2015: sulisut marluk Maniitsumi unittoorlutik atisanik pequtinillu amigaateqartut. Taarsiivigineqangilaq.
- Codan Care atorneqakkajuttarpoq, naammaginarluinnartumillu taarsiisarput. Taartisiat amerlassusaat Codanip sulisorlu pineqartup akornanni kisimi ilisimaneqassapput.

Qulaani allassimasut saniatigut taarsiivigitinnissamut suliassat inernerilu pillugit allanik paasissutissaqangilaq.”

NUNAOIL ilisimatitsivoq:

NUNAOIL A/S 2010-miit 2015-p tungaanut sillimmasiinernut assigiinngitsunut 875.768 koruuninik akiliuteqarsimavoq. NUNAOIL ukiuni qulini kingullerni taarsiivigitinnissamut suliassamik tunniussinikuunngillat.

NUNAOIL-ip sillimasiineri sillimmaseeriaatsinut assigiinngitsunut ukununnga immikkoortiterneqarput:

- Inuussutissarsiornermi akisussaassusermut sillimmasiineq
- Sulitilluni ajoqusernermut sillimmasiineq
- Ajunaarsinnaanermut sillimmasiineq
- Codan Care (Napparsimavimmut sillimmasiineq)
- Illunik sillimmasiineq
- Sulinermut atatillugu angalanermut sillimmasiineq
- Biiliniq sillimmasiineq
- Siulersuisut qullersaqarfiillu akisussaassusaannut sillimmasiineq”

INI allappoq:

”Ukiuni qulini kingullerni INI katillugit 11.061.000,- koruuninik sillimmasiinermit akiliuteqarsimavoq.

Ukiuni qulini kingullerni ajoqusernerit 173-it nalunaarutigineqarsimapput.

Ajoqusernernerik nalunaarinermit atatillugu taartisiani annikillisaasoqarnikuunngilaq taamatullu sillimmasiivimmu piumasaqaatinik itigartitsisoqarnikuunani. ”

Sikuki allappoq:

” Sikuki Nuuk Harbour A/S pilersinneqarnerminiilli ulloq manna tikillugu sillimmasiinermit akiliutai ukuupput:

- Sulinermit ajoqusernermit angalanermullu sillimmasiineq; 2014: 0 kr., 2015: 17.297 kr.
- Siulersuisunut akisussaassusermit sillimmasiineq; 2014: 70.000 kr., 2015: 70.770 kr.
- Biilinit sillimmasiineq; 2014: 11.732 kr., 2015: 19.000 kr.

Sikuki Nuuk Harbour A/S pilersinneqarnerminiilli taarsiivigitinnissamut suliasamik tunniussinikuunngilaq. ”

Royal Arctic Line allappoq:

”Royal Arctic Linep sulisunut, akisussaassusermit, illunnut, containerinut, biilinit, allanullu sillimmasiinermit 2015-mut 8,4 mio. koruunit akiliutigai.

Sillimmasiinermit ajoqusernerit amerlassusaat suliffeqarfitsinni naatsorsorneq ajorpagut. Taamatullu ukiunut 10-nut paasissutissat – apeqqummi allassimasutut – naliginnaasumik allatorneq ajorlutigit. Taamaattumik missilioqquneqarpugut. Sillimmasiinermit ajoqusernernerik suliat ukiumut 100-t 120-llu akornaniinnissaat missiliorparput.

Suliat ataasiakkat qanoq inerneqarneri aammattaaq suliffeqarfitsinni allatorneq ajorpagut naatsorsorneq ajorlugillu. Imannak missiliorneqarpugut:

- suliat 75 procentit missaat tamakkiisumik taarsivigineqartarput (nammineq akiligassartaa ilanngaatinagu)
- suliat 5 procentit missaat ilaannakumik taarsivigineqartarput (ass. annikinaarlugu sillimmasiisimanermit), kiisalu
- suliat 20 procentit missaat taarsivigineqarneq ajorput (ass. nammineq akiligassartaa peqqutigalugu).

Greenland Oil Spill Response paasissutissiivoq:

Sillimmasiinermit aningaasartuutit - GOSR	2012	2013	2014	2015
Pigisanik ikuallattoornermit sillimmasiineq (uuliamik kuuttoornermit upalungaarsimasut atortui)	kr. 35.504,00	kr. 41.136,00	kr. 36.672,00	kr. 34.806,00
Sulinermit ajoqusernermit angalanermullu sillimmasiineq		kr. 1.381,00	kr. 24.773,00	kr. 14.561,00

2014-mi nutsernermut atatillugu atortunik assartornermut sillimmasiineq	kr. 37.000,00			
Piffissaq tamakkerlugu sulisartunut peqqinnissamut sillimmasiineq				kr. 4.792,00
Katillugit	kr. 35.504,00	kr. 42.517,00	kr. 98.445,00	kr. 54.159,00

Ajoqusernermut tunngatillugu, taarsiivigitinnissamut piumasaqarnikuunngilagut, taamaattorlu pilersuisutta ataatsip sillimmasiineranit taarsiivigitinnikuuvugut, atortutta ilaat aserortoormassuk.”

Illuut allappoq:

” Illuut A/S-ip ingerlanneranut atatillugu sillimmasiinerit uku atuupput:

Sillimmasiineq	Ajoqusernerit amerlassusaat	Taartisiat	2011-miit 2014-mut akiliutit
Illumik sillimmasiineq	5	200.896	1.455.663
Biiliniq sillimmasiineq	2	0	33.732
Siulersuisut qullersaqarfinnullu akisussaassusermut sillimmasiineq	0	0	162.000
Katillugit	7	200.896	1.651.395

Apeqqut 2-p akissutaaniittumi naatsorsuusiami takuneqarsinnaavoq, ajoqusernerit 7-k nalunaarsorneqarsimmata.

Biiliniq ajoqusernerna marluusuni aquttut allat pisuummata, Illuut A/S-ip sillimmasiineranit taartisiaangillat, apuisulli sillimmasiineranit taartisiaallutik.”

Tele Greenland allappoq:

”Ukiuni qulini kingullerni, 2006-miit 2015-mut, TELE-POST-ip katillugit 22.585.434 koruunit sillimmasiinermit akiliutigisimavai.

Ukiuni qulini kingullerni, 2006-miit 2015-mut, TELE-POST-ip katillugit 3.294.856 koruunit sillimmasiinermit *akunnermiliuttumut* akiliutigisimavai.

Suliat amerlassusaat TELE-POST-ip kisitsisilersorneq ajormagit, kisitsinik piviusunik taasaqarsinnaangillat.

Taarsiivigitinnissamat piumasaqaatit inernerit TELE-POST-ip kisitsisilersorneq ajorpai. Ajoqusernermummi akisussaassusermullu sillimmasiinerit ilaanni TELE-POST-iunnginnami ajoquserneqarsimasoq, taamaammallu taartisiat TELE-POST-imut tunneq ajorlutik. ”

Air Greenland allappoq:

Air Greenland suliffeqarfiuvoq imaannaangitsoq, aamma sillimmaseeriaatsimikkut. Sillimmasiinerit akit akikinnerpaajunissaat qulakkeerniarlugu, Air Greenlandip akunnermiliuttut Danmarkimiittut Tuluiq Nunaanniittullu atortarpai.

Timmisartunik sillimmasiinerit timmisartortitseqatigiiffiit allat peqatigalugit ataatsimut sillimmasertarput, tamannalu kisimiilluni sillimmasiinermit malunnaatilimmik akikinnerulluni.

Sillimmasiivimmuut ataasiusumut navianartoqarsinnaammat, sillimmasiiviup ataasiusup sillimmasiivinnut allanut qaavatigut sillimmasiisarput. Annermik timmisartunut sillimmasiinerit, sillimmasiivik ataasiusup sillimmasiineq kissaatigineqartup ilaannaa sillimmaserusuttarpaa, taamaammatt sillimmasiineq ataaseq amerlanertigut sillimmasiisarfiit amerlasuut akornanni agguanneqartarpoq.

Qanoq sillimmasiinermit aningaasartuuteqartartiginerluta unammillernermit tunngasunik peqquteqarluta oqaatigerusunngilarput, neriuppugullu tamanna paasineqassasoq.”

KNI allappoq:

KNI-p ilanngussassai tabelimi ataaniittumi allassimapput:

Ukioq	Punkt 2	Punkt 3
	Sillimmasiinermit akiliut	Suliat amerlassusaat
2004	7.026.000	
2005	8.908.000	
2006	8.185.000	
2007	6.883.000	
2008	6.981.000	
2009	7.372.000	19
2010	7.373.000	20
2011	6.382.000	8
2012	6.543.000	9
2013	6.564.000	7
2014	7.093.000	
Katillugit	79.310.000	

Taamalilluni ukiuni qulini kingullerni, KNI-ip katillugit 79.310.000 koruunit sillimmasiinermit akiliutigisimavai.

Soorunami aamma KNI sulianut arlalinnut atatillugu taartisinikuupput, taamaattumik akiliutit taartisiallu naatsorsornerat takuneqarsinnaangilaq uani.

Taamaallaat 2009-miit siumullu sillimmasiinermit suliat amerlassusaat naatsorsorsinnaasimavagut. 2014 suli naatsorsorneqangilaq. Aammattaaq suliat taamaallaat taarsiivigineqarnikut amerlassusaat naatsorsorsinnaasimavagut, suliallu nalunaarutigineqaraluarlutik taarsiivigineqangitsut, ass. taartisiap sillimmasiinerup nammineq akiligassartaa inorsimammagu, naatsorsorsinnaasimangilagut. Tamakku paasiniassagutsigut itinerusumik misissuisariaqassaagut, tamannalu akinissamut piffissarititaasup iluani pisinnaangilaq.”

Great Greenland paasissutissiipput:

Ukiuni kingullerni qulini agguaqatigiissillugu ukiumut 550.000 koruunit missat sillimmasiinermit akiliutigineqarsimapput. Akiliut ukiumiit ukiumut nikerartarpoq, soorlu ataani ukiunut kingullernut 5-nut akiliutit allassimasuni takuneqarsinnaasutut.

Kalaallit Forsikring
Immikkoortortaqarfik
Nuummiit

2011	571.488
2012	625.888
2013	620.583
2014	580.002
2015	584.753

Ukiuni kingullerni qulini ukiumut suliat 5-t ataallugit nalunaarutigineqarput.
Suliat tamarmik taarsiivigineqarnissaminnut akuerisaapput.

**APEQQUT 5: Nunatsinniit aningaasarpasuit avammut “aniatinneqartartut”
killilersimaarniarlugit Naalackersuisut qanoq iliuseqarpat?**

AKISSUT: Kalaallit Nunaanni aningaasat eqqunneqartut annissorneqartullu iluatsinngitsumik oqimaaqatigiinnerat, aammalu nunatsinni nalittuineq avammullu tunisinikkut isertitat amerlinissaat pisariaqartut, Naalackersuisut tunngaviusumik isumaqatigaat.

Nunatta unammillersinnaanera attaveqarnermullu sinaakktissat pitsanngorsarnissaat Naalackersuisut sulissutigaaat, pitsanngorsaanerillu ilaatigut inuussutissarsionnikkut ineriartortissaaq, taamannallu takornariaqarnikkut isertitanik malunnaatilimmik amerlisaassalluni.

Maannakkut sulissutigineqartuni ilaatigut eqqaasinnaavagut soraarnerussutisiassanut akiliisarnerup nalaani akileraarusiisalernissaq, suliffeqarfiit soraarnerussutisiassanik suliallit Kalaallit Nunaata avataaniittunut atuuttussaq, 2016-mi saqqummiunneqartussaq. Aammattaaq nioqqutissat immamiit qaqitat pingaarnert nioqqutissiorneri tuninerilu pillugit nalinik misissueqqissaarnissaq sulissutigineqarpoq, 2016-p qeqqani naammassisussamik. Misissuinerup aalisarnerup iluani nalittuisussanik suliassanut pingaarutilinnik paasissutissiillunilu iluaqutaanissaa naatsorsuutigineqarpoq.

Naggasiutigalugu Naalackersuisut ilisimatitsipput, nunat akornanni niueqatigiinnerulerneq aningaasaqarnermut iluaqutaalluarsinnaammat.

Taamaammat nunatsinni nioqqutissiorneq kisimi apeqqutaanngilaq, aammali nunani allani niueqatigiinnermik tunngavilimmik isumatusaartumik niuerniarneq. Taamaattumik Naalackersuisut iluarisimaarinnipput, Royal Arctic Line A/S-ip anguniagaq tunngavigalugu sulissuteqarmata, angallassinerup tungaatigut nioqqutissanik Danmarkikkoortunut pituttunngimmat.

Inussiarnersumik inuulluaqqusillunga
Med venlig hilsen

Vittus Qujaukitsoq